

Isticmaal liiskan hubinta si aad ugu diyaargarowdo inaad codsato dheefaha.

Taariikhaha muhiimka ay tahay in la ogaado

Ogost 14-keeda, 2023: Wuxaan koonto ka samaysan kartaa gudaha Frances Online oo waxaadna ka codsan kartaa dheefaha

Sebtembar 3-deeda, 2023: Wuxaan bilaabi kartaa inaad qaadato fasax mushahar leh

Laga bilaabo Ogost 14-keeda, 2023, shaqaalaha iyo dadka iskood u shaqeysta ee doortay caymiska waxay sameyn karaan iney:

- Ka furtaan koonto [Frances Online](#).
- Ka codsadaan dheefaha onlayn iyagoo u maraayo akoonkooda Frances Online.
- Soo degso oona daabaco codsiga (si aad ugu codsato iimayl ahaan) barta [Websaydka Fasaxa Mushaharka leh](#), ama naga soo wac 833-854-0166 (lambarka bilaashka ah).

Frances Online waa **habka ugu dhakhsaha iyo fudeedka badan** ee lagu codsan karo Fasaxa Mushaharka leh. Ka ahaan nidaam cusub, habka codsiga onleenka ah ayaa laga yaabaa inuu isbedelo markaan sii wadno hagaajintiisa oo aan kuu fududeyno inaad isticmaasho.

Haddii aadan geli karin Frances Online, noo soo dir codsi warqad ah ama soo wacitan si aad telefoon ugu sameyso codsiga. Waxa laga yaabaa inay wakhti dheer kugu qaadato inaad hesho jawaab.

Haddii loo-shaqeeyahaagu leeyahay qorshe u dhigma halkii aad ka qaybqaadan lahayd qorshaha Fasaxa Mushaharka leh ee gobolka, waa inaad si gaar ah u codsato qorshaha u dhigma. Weydii cidda aad u shaqayso tilmaamo ku saabsan sida taas loo sameeyo.

U diyaar garow

Ka hor intaadan codsan:

- U sheeg loo-shaqeeyahaaga - waxaad u baahan tahay inaad u sheegto loo-shaqeeyahaaga ugu yaraan 30 maalmood ka hor taariikhda bilawga fasaxaaga. Marka lagu jiro xaalad degdeg ah, waxaad siin kartaa ogeysiis af ahaan ah 24-saac ka dibna waxaad raacsiin doontaa ogeysiis qoran 3 maalmood gudahood.
- Ogoow:** Haddii aadan muujin karin inaad u sheegtay shaqo-bixiyahaaga fasaxaaga, Fasaxa Mushaharka lehi waxa laga yaabaa inuu hoos u dhigo lacagta dheefaha ee toddobaadlaha ah ee ugu horreysa ilaa 25%.
- Isku-dubarid macluumaadka aad u baahan doonto - faahfaahinta tallaabo kasta ayaa lagu daray liiskan hubinta.
- Ka sameyso koonto Frances Online - Frances Online waa habka ugu dhaqsaha badan ee lagu codsado dheefaha.

Tallaabada 1: Furo koonto Frances Online ah

Waxa aad u baahan tahay si aad koonto u furato:

- Magacaaga buuxa ee sharciga ah iyo taarikhdaada dhalashada
- Lambarkaada Soshal Sekuritiga (SSN) ama Lambarkaada Aqoonsiga Gaarka ah ee Canshuurta (ITN)
- Xogta lagaala xiriiraayo, uuna ku jiro lambarka taleefankaaga, ciwaanka iimeelka, ciwaanka guriga iyo ciwaankaada boostada, haddii uu ka duwan yahay cinwaanka gurigaaga
- Leysankaaga gobolka ama kaarka aqoonsiga gobolka (haddii aad mid leedahay)
- Haddii aad hore u xaraysay sheegashada Fasaxa Mushaharka leh, waxaad u baahan doontaa warqaddii aanu hore kuugu soo dirnay

Tallaabada 2: Codso dheefaha

Waxa aad u baahan tahay si aad u codsato:

Waxaad isla markiiba codsan kartaa ka dib markaad koonto ka samaysato Frances Online.

- Lambarkaada Soshal Sekuritiga (SSN) ama Lambarkaada Aqoonsiga Gaarka ah ee Canshuurta (ITN).
- Nooca fasaxa aad codsanayso (qoys, caafimaadka, ama badqab).
- Jadwalka fasaxa ee aad cadsatay (xiriir ama goos-goos ah) iyo bilawga iyo dhammaadka taariikhda la filayo ee fasaxaaga mushaharka leh.
 - Fasax xiriir ah** waxaa laga wadaa in aad fasax qaadanayso laga bilaabo taariikhda biloowga ilaa taariikhda dhammaadka fasaxaaga, adiga oo aan marna ka shaqayn wax shaqo ah inta lagu jiro mudadaas.
 - Fasax goos-goos ah** waxaa laga wadaa inaad mararka qaar qaadato maalmo ama asbuucyo fasax ah inta u dhexaysa taariikhda biloowga iyo taariikhda dhammaadka fasaxaaga, laakiin sidoo kale waad shaqaysaa inta lagu jiro fasaxaaga.
- Macluumaadkaagii shaqo ee hadda iyo 18-kii bilood ee tagay oo ay ka mid yihiin:
 - Magaca ganacsiga, ciwaanka, iyo lambarka taleefanka
 - Jeegadaada shaqada (si uu kaaga caawiyo helitaanka shaqadaada)
 - Taariikhda shaqaaleyntaada
 - Inta jeer iyo inta uu shaqo-bixiyahaagu ku siiyo
 - Tirada maalmaha ee toddobaad kasta ee aad sida caadiga ah ugu shaqeyso loo-shaqeeye kasta
 - Taariikhda aad u sheegtay shaqo-bixiyahaaga wax ku saabsan fasaxaaga
- Xog ku saabsan magdhawga shaqaalaha ama gunnooyinka shaqo la'aanta ee aad hesho.
- Xog ku saabsan qorshe kasta oo u dhigma kan oo aad heysato iyo fasax kasta oo mushaar lagu baxsho oo aad caymiskan ku qaadatay.

- Habka lacag bixinta dheefta ee aad door bidayso. Wuxaad kala dooran kartaa kaarka kaashka lacagta lagu shubto iyo lacag shubista tooska ah. Haddii aad doorato lacag shubista tooska ah, wuxaad u baahan doontaa koontadaada bangiga iyo sagaalka nambar ciwaaneed ee bankigaada.
- Dookhaaga ku aadan jarista canshuurta.

Tallaabada 3: Xaqiji koontadaada hawada ku jirta

Waxaa aad u baahan tahay si aad u xaqijiso dhacdadaada nolosha:

Waxaan ku saleenaa dukumeentiga aad ugu baahan tahay inaad xaqijiso [dhacdadaada nololeedka u galmeysa](#) nooca fasaxa aad u baahan tahay inaad qaadato. **Waxaad u baahan tahay inaad naga siiso hal dukumeenti liiska kasoo loogu talagalay nooca fasaxaaga.**

Fasaxa qoyska si aad u daryeesho aadna waqt ula qaadato ilmo kadib marka uu dhasho:

- Shahaadada dhalashada ee ilmahaaga
- Foomka Xaqijinta Fasaxa Mushaharka leh ee Oregon ee ku aadan Dhalmada
- Warbixinta Qunsuliyada ee Ilmaha Dibada Ku dhasha
- Dukumiinti kasoo baxay dhakhtarka ilmahaaga ama waalidka urka leh. Waalidka urka leh ayaa noqon kara adiga ama waalid kale oo ilmaha dhalay. Eeg [Buug-hageedka Shaqaalah](#) si aad u hesho macluumaad badan oo ku saabsan dukumeentigan.
- Foomka isbitaal dhigista ee meesha ilmahaagu ku dhashay

Wixii ah **laba toddobaad oo dheeraad ah oo fasax ah oo la xiriira urka**, waxaad u baahan tahay dukumeenti muujinaya inaad hadda uur leedahay ama aad dhashay gudaha sanadka ka hor inta uusan bilaabanin fasaxaaga.

Fasaxa qoyska si uu u daryeesho oo aadna waqt ula qaadato ilmo kadib marka aad korsato ama lagugu wareejiyo si aad u koriso:

- Nuqlka amarka maxkamada oo xaqijinaaya meelaynta cunugaaga
- Waraaq uu saxiixay qareenka kugu matalaayay kiiska korsashada ama la wareegida ilmaha taasoo xaqijineysa meeleynta ilmahaaga
- Dukumiinti kasoo baxay daryeelka ubadka, wakaalada ilmo korinta, ama shaqaalah bulshada ee qaybta ka ahaa ilmaha lagugu meeleyay taasoo xaqijineysa in ilmaha lagugu meeleyay
- Dukumiintiga cunugaaga oo kasoo baxay Adeegyada Muwaadnimada iyo Socdaalka ee Maraykanka (USCIS)

Fasaxa qoyska si aad u daryeesho xubin qoyskaaga kamid ah oo qaba xanuun daran:

Waxaad u baahan tahay inaad muujiso caddaynta xaaladda caafimaad ee xun ee xubinka qoyskaaga taasoo ka socota bixiye daryeel caafimaad. Iisticmaal mid ka mid ah foomamka xaqijinta ee ku hoos qoran fasaxa caafimaadka.

Fasaxa caafimaadka:

Dukumeentiyada liiskan ku jira waxay leeyihii qaybo uu bixiyaha daryeelka caafimaadkaaga ama bixiyaha daryeelka caafimaadka ee xubnaha qoyskaaga ay uga baahan yihiin inay buuxiyaan. Ka yagleel iney buuxiyaan ama ku siiyan **mid ka mid ah kuwan soo socda**:

- Foomka Xaqijinta Xaaladaha Caafimaadka ee Daran ee Paid Leave Oregon
- [Cadaynta Dhahtarka ee Fasaxa Qoyska iyo Caafimaadka ee Federaalka iyo Oregon](#)
- Dukumentiyeynta kale — booqo [Buug-hageedka Shaqaalaha](#) si aad u hesho liiska shuruudaha dukumeentiyeynta.

Fasaxa badqabka:

Bixi xaqijinta adigoo adeegsanaya **mid ka mid ah dukumeentiyada soo socda**:

- Koobi ah warbixinta booliska
- Cabashada rasmiga ah ee ku socota iskuduuhaha Title IX ee dugsiga
- Koobi ah amar ilaaliineed ah (ma aha codsi dacwadeedka)
- Dukumeentiyada kale ee ka socda qareenka, sarkaalka fulinta sharciga, bixiyaha daryeelka caafimaadka, xirfadle ama lataliye caafimaadka dhimirka oo shatiyaysan, xubin wadaad ah, ama bixiyaha adeegyada dhibbanaha

Haddii ay kugu adag tahay inaad hesho mid ka mid ah dukumeentiyada kor ku qoran ama aad ka welwelsan tahay wax ku saabsan badbaadada, waxaad buixin kartaa Foomka Fasaxa Badqabka ee Xaqijinta Fasaxa Mushaharka leh.

Kadib markaad codosato dheefaha, u eeg si aalaaba ah koontadaada Frances Online si aad dhaqso uga jawaabto macluumaad kasta oo aan u baahan karno si aan u ansixino cogsigaaga.

Wixii macluumaad dheeraad ah oo ku saabsan sida loogu codosado dheefaha iyada oo loo marayo Frances Online, fadlan ka daawo muuqaalka "How to Apply for Benefits Overview" ee yaala barta payleave.oregon.gov.

Akhri kuwayaga ah [Buug-hageedka Shaqaalaha](#), [Buug-hageedka Iskii U Shaqeystaha](#), ama booqo payleave.oregon.gov si aad u hesho macluumaad dheeraad ah oo faahfaahsan oo ku saabsan codsashada dheefaha.